



Broj: 07-11-1835/23  
Vogošća, 14.12.2023. godine

Na osnovu člana 70. i člana 111. stav 13. Zakona o javnim nabavkama BiH ("Službeni glasnik BiH" broj: 39/14 i 59/22), Rješenja Ureda za razmatranje žalbi BiH-Filijala Mostar broj: JN2-03-07-1-3281-10/23 od 07.12.2023. godine i čl. 71. i 125. Statuta Općine Vogošća ("Službene novine Kantona Sarajevo" broj: 27/14, 14/15 i 9/20), Općinski načelnik dana 14.12.2023. godine donio je

**ODLUKU  
O IZBORU NAJPOVOLJNIJEG PONUĐAČA ZA IZVOĐENJE RADOVA NA  
REKONSTRUKCIJI I DOGRADNJI JAVNE RASVJETE OKO DOMA ZDRAVLJA VOGOŠĆA  
I U KRAKU ULICE DRESKOVAČA**

**Član 1.**

Ponuda ponuđača "Ses" d.o.o. Sarajevo, ulica Bačići broj 11. Sarajevo, odabrana je za izvođenje radova na rekonstrukciji i dogradnji javne rasvjete oko Doma zdravlja Vogošća i u kraku ulice Dreskovača, kao prvoplasirana na Rang listi, sa ponuđenom ukupnom cijenom nabavke u iznosu od 35.608,40 KM bez uračunatog PDV-a, odnosno 41.661,83 KM sa uračunatim PDV-om.

**Član 2.**

Ovom Odlukom stavlja se van snage Odluka o izboru najpovoljnijeg ponuđača za izvođenje radova na rekonstrukciji i dogradnji javne rasvjete oko Doma zdravlja Vogošća i u kraku ulice Dreskovača broj: 07-11-1835/23 od 25.10.2023. godine.

**Član 3.**

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 29.09.2023. godine donio Odluku o pokretanju Otvorenog postupka nabavke radova na rekonstrukciji i dogradnji javne rasvjete oko Doma zdravlja Vogošća i u kraku ulice Dreskovača, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 29.09.2023. godine pod brojem: 1353-1-3-202-3-187/23.

Sažetak Obavještenja o nabavci objavljen je u "Službenom glasniku BiH" broj: 69/23 od 06.10.2023. godine.

Nakon provedene Zakonom propisane procedure, dana 25.10.2023. godine Općina Vogošća kao ugovorni organ je donijela Odluku o izboru najpovoljnijeg ponuđača broj: 07-11-1835/23, kojom je kao jedinu formalno-pravno prihvatljivu ponudu odabrala ponudu ponuđača "Ses" d.o.o. Sarajevo, sa ponuđenom ukupnom cijenom nabavke u iznosu od 35.608,40 KM bez uračunatog PDV-a, odnosno 41.661,83 KM sa uračunatim PDV-om.

Na predmetnu Odluku izjavljena je žalba od strane ponuđača "Nexen" d.o.o. Banja Luka dana 06.11.2023. godine.

Ured za razmatranje žalbi BiH-Filijala Mostar, rješavajući po žalbi Žalitelja "Nexen" d.o.o. Banja Luka je dana 07.12.2023. godine donio Rješenje broj: JN2-03-07-1-3281-10/23, kojim se usvaja žalba Žalitelja "Nexen" d.o.o. Banja Luka i poništava Odluku o izboru najpovoljnijeg ponuđača broj: 07-11-1835/23 od 25.10.2023. godine, te predmet vraća ugovornom organu na ponovni postupak.

U obrazloženju osnovanosti žalbe URŽ BiH-Filijala Mostar u svom Rješenju broj: JN2-03-07-1-3281-10/23 od 07.12.2023. godine (strana 17-18 Rješenja) navodi sljedeće:

"Uvidom u ponudu žalioca, ovaj organ je utvrdio da je na strani 2, dostavljen dokument sadržaj ponude, u kome su tekstativno navedeni dokumenti dostavljeni u ponudi, te je za svaki dokument navedeno na kojoj stranici ponude se nalazi, sadržaj ponude je potpisan od ovlaštenog lica Munire Maleškić, za koju je dostavljena punomoć na strani 3. Ponude.

Navedeni dokument sadržaj ponude, nije ovjeren pečatom ponuđača.

Naime, u konkretnom slučaju je nesporno da je u dostavljenom obrascu Sadržaja žalilac propustio da stavi otisak pečata firme, kako je to propisano TD (tačkom 8.2.1 i Aneksom 9), međutim, ovaj organ ukazuje da je postupak javne nabavke strogo formalan postupak, ali ponudu, što se tiče forme, neprihvatljivom čini ako je propušteno da se uopšte dostavi određeni akt ili dokaz tražen tenderskom dokumentacijom, ali ne i određeni propust unutar dokumenta ako se iz sadržaja cjelokupne ponude jasno i nedvosmisleno može utvrditi, da propust unutar dokumenta ne utiče na valjanost ponude.

Ugovorni organ nije dokazao da navedeni propust žalioca utiče na prihvatljivost ponude ponuđača, s obzirom na činjenicu da je žalilac u dostavljenom dokumentu sadržaj ponude, tekstativno naveo dokumente koji su sadržani u ponudi, te ovaj organ zaključuje **da je propust** žalioca da sporni dokument sadržaj ponude ovjeri svojim pečatom **manji propust**, koji ne utiče na prihvatljivost ponude, te se žalbeni navod usvaja kao **osnovan**.

Na osnovu iznesenog, a uz uvažavanje argumenata iz Rješenja Ureda za razmatranje žalbi BiH-Filijala Mostar broj: JN2-03-07-1-3281-10/23 od 07.12.2023. godine Komisija za javne nabavke je utvrdila da Ponuda ponuđača "Nexen" d.o.o. Banja Luka ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Dakle, uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponude ponuđača:

- "Ses" d.o.o. Sarajevo i
- "Nexen" d.o.o. Banja Luka

ispunjavaju formalno pravne uslove, odnosno zahtjeve ugovornog organa tražene Tenderskom dokumentacijom.

Komisija za javne nabavke je zatim pristupila razmatranju finansijskog dijela ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računaska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Tenderskom dokumentacijom-tačkom 9.4. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 13.12.2023. godine u 14:30 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 13.12.2023. godine, Komisija za javne nabavke je sačinila sljedeću Rang listu u Otvorenom postupku nabavke radova na rekonstrukciji i dogradnji javne rasvjete oko Doma zdravlja Vogošća i u kraku ulice Dreskovača kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Ses" d.o.o. Sarajevo	35.608,40	41.661,83
2	"Nexen" d.o.o. Banja Luka	36.000,00	42.120,00

Iz navedenih razloga, uz uvažavanje argumenata iz Rješenja Ureda za razmatranje žalbi BiH-Filijala Mostar broj: JN2-03-07-1-3281-10/23 od 07.12.2023. godine, a primjenom člana 64. stav 1. tačka b) i člana 111. stav 13. Zakona o javnim nabavkama BiH ("Službeni glasnik BiH" broj: 39/14 i 59/22), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Ses" d.o.o. Sarajevo, za izvođenje radova na rekonstrukciji i dogradnji javne rasvjete oko Doma zdravlja Vogošća i u kraku ulice Dreskovača, kao prvoplasiranom na Rang listi, sa ponuđenom ukupnom cijenom nabavke u iznosu od 35.608,40 KM bez uračunatog PDV-a, odnosno 41.661,83 KM sa uračunatim PDV-om.


**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura



Kontrolisala: Melisa Kršo





Dostavljeno:

1. "Ses" d.o.o. Sarajevo
2. "Nexen" d.o.o. Banja Luka
3. Nadležnoj Službi
4. U dosije
5. a/a

info@ses.ba  
info@nexen.rs.ba